

天長縣志

卷之三

三

天長縣志卷之三



天長縣知縣江映鯤主修

邑人張振先撰次

王三令編纂

王明達采輯

名宦志

游宦隔屬實始北齊淮南司牧代有緇衣

建武績異龍圖笑希百爾君子馨聞是師

作名宦志

漢

趙苞字威豪甘陸東武城人今貝州武城縣從兄忠  
爲中常侍苞深耻其門族有宦官名執不與忠交  
通初仕州郡舉孝廉再遷廣陵令親事三年政教  
清明郡表狀遷遼西太守抗厲威嚴名振邊俗以  
到官明年遣使迎母及妻子垂當到郡道經柳城  
值鮮卑萬餘人入塞寇鈔苞母及妻子遂爲所劫  
質載以擊郡苞率兵二萬與賊對陣賊出母以示  
苞悲號謂母曰爲子無狀欲以微祿奉養朝夕不

圖爲母作禍昔爲母子今爲王臣義不得顧私恩  
毀忠節惟當萬死無以塞罪母遙謂曰威豪人各  
有命何得相顧以虧忠義昔王陵母對漢使伏劍  
以固其志爾其勉之苞卽時進戰賊悉摧破其母  
妻首爲所害苞殞歛母畢自上歸葬靈帝遣策弔  
慰封卹侯苞塋訖謂鄉人曰食祿而避難非忠也  
殺母以全義非孝也如有何面目立於天下遂  
嘔血而死

陳登字元龍下邳淮浦人深沉有大畧年二十五舉

孝廉除東陽長著荒政興鑿溉之利曹操表爲廣  
陵太守威信宣布請郡人陳矯爲功曹使詣許觀  
察操擊呂布登率郡兵爲先驅布滅拜登爲伏波  
將軍甚得江淮間歡心以軍功遷東城太守廣陵  
吏民佩其恩德共拔郡隨登老幼襁負而追之登  
曉語令還年三十九卒于郡

晉

謝元謝安從子也時符堅強盛邊境數被侵寇朝廷  
求文武良將可以鎮北方者安乃以元應舉召拜

建武將軍兗州刺史領廣陵相監江北諸軍事糾  
超聞而歎曰安之明乃能違衆舉親元之才不負  
所舉及堅遣將毛當句難等攻淮南元令田洛禦  
敵次于三阿去廣陵百里朝廷大震元於是自廣  
陵救三阿先遣何謙解田洛圍元率衆三萬次白  
馬塘難逆戰於塘西元大敗之進兵與難及彭超  
袁戰難等又敗退保盱眙元率衆五萬攻盱眙彭超  
敗退江陰元遣何謙率舟師與難等戰難引退元  
率何謙戴遂田洛戰于君川復大破之又遣廣陵

相劉牢之攻破浮航白船難等北走僅以身免元  
還廣陵劉天武河蕭率北船與魏等相據以張元

袁弘為東陽郡時賢祖道冶亭謝安起執弘手顧左  
右取一扇遽云聊以贈行弘應聲曰輒當奉揚仁  
風慰彼黎庶治郡有聲田常謂示半眾三萬火自

嫡劉宋三國去劉百里陳西入費示付長白

沈文秀守東陽魏人圍之三年外無救援士卒晝夜  
拒戰甲冑生蟣蝨無離畔之志及拔東陽文秀解  
戎服正衣冠持節坐齋內魏人執之魏人重其不

屈拜水部下大夫

北齊

段韶天保五年總鎮涇州受詔東討方白額于宿豫  
既至會梁將嚴超達等軍逼涇州復有別將尹師  
令帥眾萬餘人謀襲盱眙韶將步騎數千人倍道  
赴涇州塗出盱眙師令不虞大軍至望旗奔北進  
與超達合韶大破之盡獲其舟艦器械

源彪皇建二年為涇州刺史以恩信待物邊境甚和  
隣國欽服前被抄掠者多得放還時李孝貞聘陳

陳主謂之曰齊朝還遣源涇州來瓜步真可謂知  
道矣

梁

霍雋仕梁侯景叛邵陵王綸發兵自京口討之綸敗  
雋為賊所獲送廣陵城下逼之云已擒邵陵王雋  
獨云王小小失利已全軍還京口城中但堅守援  
軍尋至矣景以刀歐之雋辭色如舊景義而釋之

南唐

江夢孫為天長縣令民有爭馬訟久不決夢孫令縱

馬於郊而人隨之馬奔入王家其訟遂決由是知

名

後周

元矩又字孝矩洛陽人元魏宗室初襲始平縣公仕  
隋進位柱國爵洵陽郡公刺涇州拜壽州總管高  
祖賜璽書曰楊越氛稜侵軼邊鄙爭桑與役不識  
犬猷以公志存遠畧今故令鎮邊服懷柔以禮稱  
朕意焉卒謚簡

宋

包拯字希仁廬州合肥人也始舉進士除大理寺評事出知建昌縣以父母皆老辭不就得監和州稅父母又不欲行拯卽解官歸養後數年親繼亾拯廬墓終喪猶徘徊不忍去里中父老數來勸勉久之赴調知天長縣有盜割人牛舌者王家訴拯曰第歸殺而鬻之尋復有來告私殺牛者拯曰何爲割牛舌而又告之盜驚服徙知端州遷殿中丞端產硯前守緣貢率取數十倍以遺權貴拯命製者才足貢數歲滿不持一硯歸尋拜監察御史歷三

司戶部判官出爲京東轉運使改尚書工部員外郎直集賢院徙陝西又徙河北入爲三司戶部副使奏罷秦隴斜谷歲取材木及七州造橋所索數十萬除天章閣待制知諫院數論斥權倖大臣請罷一切內除曲恩又列上唐魏鄭公三疏願置之座右以爲龜鑑又上言天子當明聽納辨朋黨惜人才不主先入之說凡七事請去刻薄抑僥倖正刑明禁戒興作禁妖妄朝廷多施行之除龍圖閣直學士河北都轉運使徙知瀛州州以公錢貿易

積歲所負十餘萬悉除之乞便郡知揚州徙廬州  
遷刑部郎中坐失保左授兵部員外郎知池州復  
官徙江寧府召權知開封府遷右司郎中拯立朝  
剛毅貴戚宦官爲之斂手人以拯笑比黃河清童  
稚婦女亦知其名呼曰包待制京師爲之語云關  
節不到有閻羅包老舊制凡訟訴不得徑造庭下  
拯開正門使得至前陳曲直吏不敢欺中官勢族  
築園榭侵惠民河以故河塞不通適京師大水拯  
乃悉毀去劾奏之遷諫議大夫權御史中丞奏曰

東宮虛位日久天下以爲憂陛下持久不決何也  
仁宗曰卿欲誰立拯曰臣不才備位乞豫建太子  
爲宗廟萬世計也陛下問臣欲誰立是疑臣也帝  
喜曰徐當議之張方平爲三司使坐買豪民產拯  
劾奏罷之而宋祁代平拯又論之祁罷拯以樞密  
直學士權三司使遷給事中爲三司使數日拜樞  
密副使頃之遷禮部侍郎辭不受尋以疾卒年六  
十四贈禮部尚書謚孝肅拯性峭直惡吏苛刻務  
敦厚雖甚嫉惡而未嘗不推以忠恕也與人不苟



合不僞辭色悅人平居無私書故人親黨皆絕之  
雖貴衣服器用飲食如布衣時嘗曰後世子孫仕  
宦有犯賊者不得放歸本家死不得葬大塋中不  
從吾志非吾子若孫也初有子各總娶崔氏通判  
潭州卒崔守志不更嫁拯嘗出其媵在父母家生  
子崔密撫其母使謹視之總死後取媵子歸各曰  
縱有奏議十五卷

按史臣曰拯爲開封其政嚴明人到于今稱之而  
不尚苛刻惟本忠厚非孤子所謂剛者乎

劉敞字原甫臨江人嘉祐元年知揚州前守政苛敞  
以寬厚濟之天長縣鞠王甲殺人旣具獄敞見而  
察之知其寃甲畏吏不敢自直敞以委戶曹杜誘  
誘不能反而傳致益牢將論囚敞曰寃也親按問  
之甲知敞爲已直乃敢告蓋殺人者富人陳氏相  
傳以爲神明

蔣之奇字穎叔常州宜興人遷淮東轉運副使歲惡  
民流之奇募民興水利以食流者如揚之天長三  
十六陂宿之臨渙橫斜三溝尤其大也用工至百

萬漑田九千頃活民八萬四千其大畝民工至百  
傅楫字元通興化軍仙遊人少自刻勵從孫覺陳襄  
學第進士調揚州司兵參軍攝天長令發摘隱伏  
姦猾屏跡轉福清丞知龍泉縣孫覺語之曰朝廷  
欲用君盍少畱楫曰仕宦所樂居中者免外臺督  
責耳今俯首權門與外臺奚擇且外官已所當得  
也遂去不顧道除太學博士居四年未嘗言跡太  
臣門既滿徑赴銓曹楫丞福清時受知郡守曾鞏  
華弟布方執政由是薦爲太常博士徽宗以端王

就資善堂學擇師傅爲說書陞楫記室參軍進侍  
講翊善中人泣事于府者多與宮僚狎楫漠然不  
親一府嚴憚之五年不遷劾浩得罪貶楫以贖行  
免官徽宗卽位召爲司封員外郎歷監察御史國  
典予監司業起居郎拜中書舍人時曾布當國自以  
於楫有汲引恩冀爲之用楫凡命令有不當用人  
有未厭悉極論之雖屢却不爲奪布大失望帝以  
舊學故多所延訪楫每以遵祖宗法度安靜自然  
爲言他日李清臣勸帝清心省事帝曰近臣中惟

傅楫嘗道此楫在朝歲餘見事寢異竊歎曰禍其始此乎聞者甚病之楫乃笑曰後當信吾言遂上疏丐去以龍圖待制知博州卒年六十一帝念落邸舊臣賜絹三百匹

吳師禮字安仲杭州錢塘人太學上舍賜第調涇縣主簿知天長縣召爲太學博士秘書省正字預饒鄒浩免徽宗初爲開封府推官蔡王以官吏有不順語下之府師禮主治獄成不使一詞及王吏雖有死者亦不以彼指斥罪擢右司諫改右司員外

郎師禮王翰墨帝嘗訪以字學對曰陛下御極之初當志其大者臣不敢以末伎對聞者獎其得體以直秘閣知宿州卒師禮游太學時兄師仁爲正字春秋學他學官有惡之者條其疑問諸生師禮悉以兄說對學官怒鳴鼓坐堂上衆質之師禮引王據三傳意氣自如江公望時在旁心竊喜後相遇於泌陽公望謂曰子異日得志當如何曰但爲人作豐年耳遂定交人之其樂也

按仕學規範載師禮知天長縣言近民無若爲邑

政貴德化刑以輔之條目易循期會有信使民不  
憚吏吏不玩法古人之治其幾也

張榮榮南渡時為天長軍鎮撫志當收時曰為入  
王林建炎中為承州天長軍兵馬鈐轄主管鎮撫司  
公事四年八月除知承州

王溫為淮東統領率部下官兵二十四人與敵人戰

於天長東眾寡不敵皆沒于陣淳祐二年九月贈

天長死節諸臣溫贈武翼大夫吉州刺史補其子

興國保義郎更官其一子承信郎厚恤其家餘各

有差

賈餘慶字善夫臨淮人以才行初為河南省掾相臣

深器重之後為天長尹有聲

文元

郝爾字子榮河澗人至元間為天長尹時縣為社三

第十有六爾擇民間童子可教者立塾置師絃誦相

望又重新廟學籍鄉民隱蔽田七頃有奇入其租

於學為師生廩祿費時人頌之

孫尚忠金陵人至正間諭天長教典不墜復以廟學

將圯遂力請于縣尹郝爾誓任其勞翌歲成廟學  
其明為州士

縣官重禮學餘暇凡習籍田士民皆入其

嚴植字景周江西南城人寓武昌洪武四年由進士

授天長縣丞領印蒞事創縣治立公署建壇壝遷

文廟儒學於縣治之前

王心曰侯來而方有縣縣之民於是焉依而始知

有生之樂矣

李尚達福建閩縣人由進士成化年授縣廉明慈愛

輕徭薄賦視百姓猶恐有傷每暇詣學與諸生講

論亶亶忘倦未踰年調桃源一邑如矢怙恃濯御

史遷河南僉事

鄭仁憲字平之浙江會稽人由進士成化間授縣器

識偉異遇事有為在縣甫三載興學校置館舍修

壇壝立義塚建市肆凡政教之大者次第畢舉

郝鑑字廷重直隸河澗人弘治初授縣舊志載侯律

已公而廉聽訟明而斷擢監察御史

楊廷舉河南祥符人由貢正德丙子授縣楊中啓河

南靈寶人由舉人嘉靖辛丑授縣二公皆以愛人節用爲本寧得罪于上司過客而不忍勞民傷財百姓追思稱爲中州二楊云

邵時敏字伯來浙江餘姚人由舉人嘉靖丁未授縣謙冲樂易下士禮賢減征徭省訟獄在任三年修學校及諸興作而其惠之大者築馬埠堤數百丈橋二座人呼其堤曰邵公堤橋曰邵公橋時王二山先生歸省特請修縣志

楊子龍浙江鄞縣人嘉靖丙寅授縣銳意興革首議經費里甲繼請徹還驛傳及革護城河糴糶之稅皆切民生之計至于修學宮東西月城尤關爲政大體尋修縣志亦可想見其流風善政矣

馬嘉謨號西岡河南上蔡人由舉人隆慶庚午授縣畱心民隱曾請丈田地計在均糧後陞泗州守舊志曰人傳公丈時初亦嚴切未幾意懈寄委匪人將大折小隱漏竇多至今謂弊竇之滋也夫長特數里耳兼雜八衛軍屯較江南北大邑迥異旣鮮仕宦又少豪強絕不似他處勢豪強占人產瞞

避糧差者也一日可見一問可知近因年歲屢曠而濱湖窪地遂爲湖民草草改田如昨年雨水少勤而湖水微漲依舊沒焉儻以均糧之故而徧丈其地則官止一身不能以頃刻而徧歷也明矣必須寄之衙佐寄之里老寄之方保寄之吏卒擾不可言計莫若清里書之詭寄而舊糧之源清湖田新作者量加畝若干而新糧之賦益惟土之人審焉

馮維岳號宇春湖廣江陵人由舉人萬曆五年授縣精敏有吏才無能欺者尤嚴治窩訪越訴民賴以安建護城河橋初爲桂州學刻勵清操所梓有文稿行取戶部主事

祝似華號鄰初四川內江人由進士萬曆己丑授縣年甫二十餘貌如冠玉爲榜中慕異其才識沉毅邑受安靖之福至今頌之調繁吳江聲名赫然江以南至不知有郡府以入覲過長民遮留車不得發風流無比後復黃姓

黎文輝江西宜春人由貢萬曆二十年授縣自少刻

勵知名尊人與吳郡文氏爲宦遊世交公之翰藻亦與文氏門中相頡頏里居與嚴相鄰絕不與通謁選時張江陵亦欲招致竟上書去因與汀州衛遠訓後擢天長取予不苟衙內外肅然其徵比先後零星遁入最爲得法亦以不善事上改官公遂挂冠去所梓集有十數種

袁敬號作所廣東東莞人由舉人萬曆二十九年授縣性致和雅寄情詞賦而于勢利泊如也在邑招致名人登眺浮冶金牛諸山之勝遥睇長江揮灑

不倦梓有遊草數種諸郎文藻爛然有父風公卒于任

李自蕃號思龍四川蓬州人由舉人萬曆三十九年授縣襟度溫潤而辭理斐亶見者知爲有道民間瑣碎訟事亦爲詳盡牘中署語洋洋纚纚頃刻立就壹意教化建鄉社若干所親詣講解聽者泣下所梓鄉社書甚整有古循吏風考績受封尋丁內艱清不能斂民爭賻之去時攀送服闋爲留部田所賦號獻廷山東昌樂人由進士萬曆四十六年



授縣調江都山東昌樂人由進士萬曆四十六年  
陳其易曰邑之循牧其不可朽者事後得列於傳  
志成蹟也我侯撫長雖僅年所乃以長才議遷巖  
邑茲有修志之役事與時會其異政敏勤過此又  
何述焉侯以英年甲科宰長之日課士有程旌異  
有典現年華而剝削之徭輕門差均而星夜之呼  
靜拓館署之湫隘壯雉堞之嶒巖狐鼠驅於腋間  
豺狼殲於間左併糧則飛詭盡杜修志則文獻有  
徵捕百年之寇而賊巢盡摧懸三科之賞而民兵

鼓壯學田之剝恤寒微也義塚之置澤枯骨也至  
龍崗一鎮以百年荒土豪俠鹽徒占爲金穴得侯  
早廓清之殄其渠魁而庇其善類善者戴之冬日  
之日也不善者戴之夏日之日也乃文乃武旣慈  
旣嚴卓哉嘉猷不可尚矣

周羔字古侗浙江富陽人由舉人萬曆四十七年任  
侯以詩經中浙闡辛卯二名宏才博學聽斷神明  
無宰長五年人享和平之福當道有裁減優免者侯  
獨憫諸生貧困衆多資以膏火極力請復諸生戴

德士民建祠于西關外以膏火泚大書於前主德  
臧太初字涵素北直寧津人由舉人崇禎元年任英  
標偉致敏識雄才嚴治衙役寬愛百姓優禮士子  
蒞任未幾留心黷序捐俸設處卽舉數十年傾頽  
之學一旦鼎建明倫堂重修聖殿齋廡煥然改觀  
猛力除惡汶澗鎮建立生祠甫一年以丁艱去

姚星吳字次白浙江餘杭人繇舉人崇禎三年復除  
補任侯以詩經舉丙午浙闈第一人勵精圖治平  
易近民具隻眼善知人庚午邑廩生鍾允獻起復  
在彙試後侯讀其解院卷亟爲稱賞特送補考果  
中本年鄉試後行取工部主事

羅萬象字光大別號紫虛一號訥菴南昌人由舉人  
崇禎四年任首革火耗正數外不溢分毫刻易知  
單遍給糧戶民得按單以輸里書不得因緣爲奸  
以多人多竇諸胥役率從減省僅取足以供事而  
已清釐奸弊前後發摘十餘條奸吏懾伏加以溫  
婉盡下民視公庭猶其家室不知官之尊也他如  
立保甲以禦奸舉鄉約以興善躬祈禱以卹災勤

課試以造士修葺圯城重新四門敵樓補學宮之  
 缺者復神祠之侵者未及年餘諸事盡舉此其強  
 力有為之效也至附包朱祠于學宮義得其大是  
 又其重有關於風教者公善古文詞及詩歌俱別  
 有集行後調潛江縣旋擢南戶科給事中

皇清

李毓秀字應韶河南沔池人由貢順治二年任

王師過縣奉

豫王委署旋印題授時縣屢經兵燹民  
 多流亾侯加意招徠給以牛種革減值年刻給田

單拜貞女以維風建書院以造士勅李公店以建  
 驛站復鄉社所以明人倫其他發奸擿伏聽訟無  
 冤至今懷之

王辛字菩山直隸人由進士順治七年任蒞官九載  
 值海氛入城侯抱印自經死之卹典贈按察司副  
 使蔭一子入監

江映鯤字南溟四川閬中人由舉人康熙元年任  
 張振先日天長為葭爾邑里十有三甲百有三十  
 往受現年荼毒每歲輸十甲當差值年者隕身破

產鬻女析兒前令雖行裁減滋蔓旋生江侯蒞任痛爲革除而民如去湯火登衽席矣往里甲分糧多寡不一猾里糧多且攬殷實之家而竊肥自潤懦里糧少更分凋瘠之戶而一體當差侯洞悉積弊每甲均以二十二石而里役無苑枯之異矣給便民自納單載某糧數若干四季完銀若干完卽註單而里書絕飛灑之害收頭杜侵蝕之奸矣至於鼎修巽序俸薪不吝頻捐兩校鄉闈文武咸歌得士賑粥活七載之饑施藥起萬家之疫置義塚以澤枯骨築邵堤以利行人十年從無贖鍰兩造俱稱平允古所云吏行水上人在鏡中固生青草庭可張羅者惟侯有焉

署縣

明

章本字汝立鄱陽人由舉人授泗州同知弘治十年攝縣事舊志載其朴實簡靜廉明豈弟訟庭晝閒惟誦書讀律而已居數月還州百姓不忍其去

易宗南漳人由吏員授泗州同知萬曆五年攝縣事一介不取所餘月俸送學還時惟焚紙香關聖祠

而已其人雖以治牘起而矚然不滓諸上官無不知之後至運同有聲吏林

周慤烈湖廣湘潭人由貢萬曆某年授泗州同知攝縣事確然有守凡署恒亟亟于時日之間公以半月前闔衙封印嗣代曾贈以詩云掌縣三曾不愛錢且才識敏練人不能欺而除奸猶嚴也當道雅聞其賢攝州攝通府事無虛日府官以齎捧行所代時倭入一一封識嗣還吏卒畏憚後陞姚安府判拊循彞民尋轉晉明州知州乞致仕持奉題

請去

皇清

王三畏江西人由吏員授鳳陽府知事順治十六年攝縣事時海氛初熄流亡未復城邑爲墟公撫字招徠民得安堵間有奸人乘叛誣良公平允昭雪邑無株連馮公橋圯競渡者時罹滅頂之凶公捐薪募修聿觀厥成行人稱便在任半載宦橐蕭然思之者謂懸魚載石之賢公其繼美云

明學官

吳瑞山東壽張人由舉人授縣學諭常以昧爽坐講堂竟日而罷雖寒暑不間施教之勤一人而已然賦性甚剛疾惡太嚴

吾翁字廷順浙江開化人由舉人授縣學諭翁之父昇經學重一時翁傳其學年二十七乃拜前職嚴立課程而躬率之可教者愛之禮之其不肖者斥之朴之在任九年守已清慎修縣志嚴於去取以艱去中正德戊辰進士至今論勤教而有守者以翁爲稱首

陳佐福建晉江人由舉人授縣學諭經學開明規矩嚴肅存心不苟操行亦端當道所器重翁之後必推佐焉

陳仲方曲江人由貢授縣學訓持身有則課士有方取予一毫不苟在任五年至今人猶慕之

陳以姬湖廣荊門州人由貢萬曆某年授縣學諭學宮原係元時舊基先年科第亦繼起後稍歇後因徐令文光輕移于南倉基草草無緒更于學中縣上種種不吉士民憂之適公來善形家言謂此中

風氣莫善於舊基也指城北外有微茫一砂爲學  
後護何移者之闇也會院道過縣公遂面請即日  
奉

先師王歸舊基時白地徒手士民吐舌不旬日好義者  
歡動聿還舊觀癸卯丙午丙辰俱得科第公之功  
信爲不泯而同志有滕縣杜世楨爲訓亦力贊其  
成也

曠昭字白於四川遂寧人由舉人在貌如冠玉才若  
利犀文章直逼長蘇字法堪追顛米雅飭謙謹造  
士惟勤少長一視如坐春風丁卯中式陳一新王  
景雲庚午中式鍾允獻胥出其門歷陞北京學錄  
監丞戶部郎中陞滁和道再陞江西巡撫

章世純字大力臨川人由舉人崇禎四年以署教諭  
至公以古學唱天下起一方而易海內爲學取於  
互通經子百家以至陰陽伎術皆合以取解故能  
得其精而論之其教人皆經濟實用且據於所明  
雖深幽濶遠之理皆致之于明與近如可目見而  
足履也以語人人無不自以爲有得者所著有易

禪易苞已未留丁巳留經世論詩弼陰符解等書  
具如別集陞吏部司務歷至柳州府知府

典史

邊傑保定唐縣人由生員守城有功授縣典史公平  
制事人咸稱之陞山東鄒縣知縣舊志中都志俱  
入名宦傳

守禦

沃田山東登州衛人指揮同知由武進士以浙江者  
都指揮僉事守備儀真體貌魁梧善韜畧嘉靖王

已夏五月十日倭寇犯廣陵焚劫甚慘乘勢欲寇  
天長公捧檄提青州兵爲縣防禦立營於城東崇  
家崗上寇聞知亦逡巡不敢進後追兵四集直由  
蘆龍趨天長公迎擊寇氣沮潛伏草野會旦日黑  
霧四塞咫尺不辨寇乃突入人馬潰亂公獨躍然  
手刃數寇忽馬陷澤中遂遇害同指揮岳寵百戶  
劉葵殲于戰縣舊無城非公之截殺長民倉皇何  
能得避公之死長民之生也知縣黃泰然請立祠  
祀民間又有私祀其院道祭文碑記成集今其祠





世之所指名也嬰乃止後爲楚上柱國封五縣漢封棠邑侯

今三國

陳矯字季弼東陽人魏文帝時爲尚書令明帝卽位進爵東鄉侯帝嘗至尚書門矯跪曰陛下欲何之帝曰欲按行文書耳矯曰此自臣職分非陛下所宜臨也帝乃命回車嘗問司馬公忠貞可謂社稷之臣乎矯曰朝廷之望社稷未之知也景初元年爲司徒卒謚貞文帝嘗曰陳季弼臨大節明畧過

人信一時之豪傑也晉書陳騫傳云父矯本廣陵劉氏爲外祖陳氏所養故三國志云廣陵人晉書劉頌傳又云矯出養於姑改姓陳

晉

陳騫矯之子沈厚有智謀仕魏爲尚書郎遷中山安平太守並著治績累封郟侯晉武帝卽位以佐命功封高平郡公遷侍中大將軍都督揚州諸軍事復加太尉轉大司馬卒贈太尉謚曰武按梁時嘗併東陽入本縣爲沛郡而東陽城今在本縣之西

界則其地今入本縣者固多也凡東陽人當收入  
本縣

宋

朱翼其先彭城人遷淮南家天長秦欄里累官至工  
部侍郎

朱壽昌字康叔天長縣同人鄉秦欄里人也以父翼  
蔭守將作監主簿累調州縣通判陝州荆南權知  
岳州縣濱重湖多水盜壽昌籍民船刻著名氏使  
相伺察出入必以告盜發驗船所向窮討之盜爲

少弭旁郡取以爲法富弼韓琦爲相遣使四去寬  
恤民力擇壽昌使湖南或言邵州可置冶采金者  
有詔興作壽昌言州近蠻金冶若大發蠻必爭自  
此邊境恐多事且廢良田數百正非敦本抑末之  
道也詔亟罷之知閬州大姓雍子良屢殺人挾財  
與勢得不死至是又殺人而賂其里民民出就吏  
獄具壽昌覺其奸引囚詰之曰吾聞子良與汝錢  
十萬許汝女爲婦且婿汝子故汝代其命有之乎  
囚色動則又摘之曰汝且死書券抑汝女爲婢指

錢爲顧直又不婿汝子將奈何因悟涕泣覆面曰  
因幾悞死以實對立取子良正諸法郡稱爲神知  
廣德軍父守雍出其母劉氏壽昌方七歲母子不  
相知者五十年四方求之不置飲食罕御酒肉言  
輒流涕熙寧初棄官入秦與家人訣誓不見母不  
復還遂得之於同州時母年七十餘嫁党氏有數  
子悉迎以歸雍守錢明逸以事聞詔還就官由是  
天下皆知其孝自王安石蘇頌蘇軾以下士大夫  
爭爲詩美之壽昌以養母故求通判河中府數歲

母卒居喪幾喪明旣葬有白鳥集墓上撫同母弟  
妹蓋鴛爲買田宅居之又知鄂州提舉崇禧觀累  
官司農少卿易朝議大夫遷中散大夫卒壽昌勇  
於義周人之急無所愛嫁兄弟孤女三人葬其不  
能葬者十餘喪蓋其天性如此西史綱目

溫公月錄云壽昌母素微生壽昌歲餘遣出之志  
林謂生四歲東軒筆錄謂在襁褓而宋史本傳謂  
方娠而出數歲始歸惟文公小學以爲七歲當以  
宋小學爲正外史其各被檢其字也南豐曾去士曾

朱齊卿與之任失其名齊卿其字也南豐曾先生曾為之誌銘

見藝文志中

朱某壽昌之從子也舉進士某州錄事參軍監楚州

裝卸米倉

三壽昌以素澹主壽昌遺餘世出之志

朱某壽昌之從子也舉進士衢州西安縣令

朱延之壽昌從子南豐曾先生曾為之誌銘

見藝文志中

朱英壽昌孫元豐進士

大器中道大夫卒壽昌與

朱棖英子紹興八年進士蒲圻縣教授

舉崇寧間

劉位本縣橫山人靖康初詔天下勤王位率數百人

應募將行曾淮上盜起部使者檄位退保鄉井賊

王鎮李公鈞杜府胡張遇等群起剽掠位連破之

威聲大振號橫山劉家軍群盜畏其鋒相戒無敢

犯建炎三年寇起招信位率眾拒戰於西津大捷

是歲九月盜李成自宿州踰淮位柵於淮岸拒之

成縱火大掠由白塔路入滁據其城十一月位合

兵破城收復滁州攝州事兼節制滁泗二州事明

年敵攻泗州以勁騎自九山夜渡取木塲欲徑趨

維揚位勒兵道戰日夜數十合敵以故不能前乃

遣人招降位斬其人梟以徇未幾敵騎自浙江還屯六合抄掠滁境位累戰皆捷高宗在台州位募人由間道奏聞賜詔獎諭六月敵奄至城下群盜張文孝等應之位出城接戰爲流矢所中歿於陣子綱以事聞及滁人荀閱等上其狀詔贈建寧節度使建廟於滁賜號曰剛烈衆亦題於西墩大墩劉綱位子也嘗保聚橫山今山上有墩人呼磨旗墩相傳謂綱建旗之處也以父屢立戰功受濠泗二州鎮撫使移鎮維揚遷洪州總管授武庫軍承宣

使淮西安撫

明

周長永樂九年與尚書宋禮侍郎金純治漕河修復會通置十五閘又浚黃河故道自祥符魚王口至中樂下二十餘里殺水勢河成賞功宋公第一祀會通河上純其先亦天長人卒贈山陽伯長有膂力善騎射從靖難白溝東昌藁城戰有功卒贈萊陽伯謚忠毅

李瑛字景昭宣德丙午以詩經領薦授山東歷城教

論冢宰尹公旻實出其門擢濟南教授致仕爲人性剛介不少狗同儕有貪懦者輒面斥其過尹公位樞要數以書延請則固謝不往時雅重之

陳敏字內修本應天府溧水縣思鶴鄉人始祖目新洪武年間僉點民兵調守安福因家焉後祖中舉移居天長爲人持重寡言笑景泰癸酉以春秋領京闈薦成化庚寅爲鄆縣尹銳意民事禱雨祈晴若響答鄆在深山中多虎患躬禱於神且募民爲之備虎遂遠遁未幾以母喪去服闋改連城連科

日久不繼作興誨迪無所不至越明年遂有登第者述職請老歸無餘貲卒年七十有一入鄉賢祠祀之

張昊字朝元父斌業醫爲縣醫學訓科以子貴封監察御史公幼警敏有大志嘗作羨魚說以自勵博讀群書工制義督學行部往往攜歷他郡縣同考以勵他郡縣諸生曰張某奇士奇士然不偶公曰學未至也與其門人陶金藏修於讀書菴年四十乃中鄉試登弘治丙辰進士授浙江烏程縣令嚴

治奸惡寬恤民隱三年擢南京貴州道監察御史  
風裁著聞巡下江適崇明民施天泰鈕東山恃海  
出入嘯徒寇鈔郡縣公會同巡撫都御史艾璞巡  
按御史曾大有請諸朝遂進兵誅之有白金寶綺  
之賜蘇人感其功德生祀三公於闡門外周文襄  
公之祠正德四年陞江西按察司僉事分巡九江  
道時姚元洞蠻寇亂公與叅政董朴約日討之斬  
獲賊首侯念十等三百餘人以聞復有賜公期空  
其巢穴約董進兵不協兵潰爲賊所執面被一刀

傷長四寸家人張威以身捍爲賊支解賊以公憲  
臣不敢加害委而去遂回籍部議復官公以老疾  
乞原職致仕卒年七十公事父母孝母病輒嘗糞  
甜苦祈以身代事繼母如其母撫二弟有恩義人  
鄉賢祠祀之

王心氏曰余童時見公標格清秀美鬚髯疎而長  
謹禮儀與童子揖身磬折手必至地有少年修飾  
其鬢公見取簪爲歛之曰容貴莊重後母爲是也  
風流典刑若公者豈復得哉豈復得哉萬曆乙卯



年蜀李侯自蕃署其語於門語云鎖鑰封疆姚變  
猖獗挺身赴敵誓收朝食之勲單騎衝鋒甘罹輿  
尸之禍曾從容命僕以還報致急難赴主以偕亡  
天地爲之震冥將士爲之飲血身可殉國已覘許  
遠之忠志罔偷生益見真卿之義爰顏其門曰忠  
烈名臣

陶金字純夫璉之子也中弘治己酉鄉試登乙丑進  
士授陝西洛南縣知縣調浙江常山縣陞刑部主  
事卒於官操行清潔沒之後寒素如儒生以公爲

鍾暘字啓寅別號鷺洲幼穎慧博讀群書工詩爲人  
倜儻爽朗有大志中嘉靖壬午鄉試卒時年三十  
九所著有鷺洲稿

王心字惟一號兩山嘉靖戊子鄉薦戊戌登第授兵  
部主事少穎異而又攻苦遂博洽絕倫屢舉不售  
公歎曰自有物命文章至今稱之著述甚富孝廉  
時撰兵民二議幾數萬言持爲世用不獨文詞之  
工而已所至卽取郡縣志更訂之如真定柳州著  
傳叙有遷固法文論有韓蘇法古詩有漢魏法近

體有杜李法兼工并請未有若先生之盛者也  
戴愬字遠之號鳳巖年二十四嘉靖丙午丁未聯第  
初爲閩縣明敏有聲嚴治勢豪陞工部主事奉憲  
異常一過輒誦爲文光焰逼人見者錯愕平生美  
氣伉厲不少貶以滇楚雄守歸尚未四十青髮尙  
衣絕意世路亦不與貴遊通竿牘四十年如一日  
卒將八十

舊志曰先生從棠邑歸里曾燕姚允初公而始會  
焉辱先生禮遇之異兼獎其行卷曰奇文親爲

七筋先輩憐才至念河山可更此意難泯

張天駙字雲卿號我山嘉靖乙酉鄉薦侍御公昊之  
子先生雖貴介實清宦之後炊爨難繼讀書羅漢  
寺攻苦人不能及仕充府別駕不持一錢歸以珎  
素風爲人端凝若朝紳不敢有狎見者

鍾嶽靈字五甫別號岱華温恭如玉強記善文三試  
學臺皆居首列登萬曆甲午鄉書居平廉潔好修  
孝友醇篤其交鄉黨循如也壬寅改復學基率先  
建議其九則下夙爲縣累特請李侯申詳院道改

爲一則人丁至今稱便筮仕南召潔已愛民累舉  
卓異抱恙告歸邑士民赴上乞留者以數百計上  
臺亦雅重之不聽解組臥治年餘文十三上始專  
疏題請許以回籍調理痊日赴部改選蓋特例云  
後起補仁化諭署翁源樂昌篆皆以貞惠著聞始  
是署翁源者不自簡飭民情騷動撫按遴屬職之  
尤有聲者以撫鎮之府道僉舉公果克治攝綏服  
大得衆心按臺王公特列首薦議爲題留曲江未  
幾復以病歸兩地至今尸祝不衰前後宦遊四年  
田廬不增囊無長物歸來授徒課子寒素不殊乃  
厥施未竟賚志以終深爲世所惜云著有太易通  
言甕天襪線等集入鄉賢祠祀之

鍾允獻獄靈之子也中崇禎庚午科舉人積書充棟  
手自箋註以至璿璣識緯鳥占風角之類無不諳  
習晚年屏跡沂湖食貧鍵戶著有文集藏于家

陳琦字

由貢入監精書法爲工部主事克舉厥

職三年榮膺勅贈

陳洋字惟大性真履方與人無苟合以歲薦爲雲夢

令雲夢僻在一隅里甲分日供應爲甚費乃徵民  
貯庫招人掌支統月會計民盛稱便故謠有十年  
憂悶此消亡惠澤汪洋庶且康之句當道獎薦報  
政後飄然而歸閉門讀書足跡不履公庭年六十  
九終于家原無豐產亦不墜先業蓋能有不爲不  
愧士人之流者與

許珍字時聘絕無他嗜好下帷攻書竟日夜求之務  
得而後已如太極律呂理學諸書沉思默識心手  
相應而出真得宋儒之傳者仕府授推祀鄉賢  
者稱爲靜菴先生

魏湘號龍阿知垣曲縣清白如洗歸時仍賣先世所  
遺之田而還負貸子一愚仕合州同知

崇化字吾訓號小軒仕江西新淦縣主簿爲人高簡  
不樂斗米之折尋告休當道以清朝獨步獎之其  
子大雅亦仕江西建昌縣教諭未一年亦致仕歸  
人稱兩世清風不減二疏云

翁汝濟號南江仕浙江慈谿縣丞仕之初日屏去鼓  
樂不用廳中止懸一籠燈上書天地神明鑒察與

令不相能令爲新科廣陵人拂衣而歸其介如此  
蕭然樂道雅好修真年幾九十步履如飛  
胡玳字良寶號北山仕太平當塗訓爲人嚴重不隨  
其學舍與府公鄰而府胥有讙呼於酒者先生拘  
責之次日府公知同僚擎拳跽謝先生挺然立於  
傍有海公之風歸後年踰九幾百令公李以睿聖  
齊芳表其門焉子太學廷萱亦稱善事爲養志云  
曹輅字質夫力學安貧無書不讀常下帷東林寺先  
輩如崇大謙胡濂皆北面執經數奇僅膺歲薦初

仕河南安陽訓勤于課士趙藩曲加禮遇焉陟湖  
廣黃安縣諭遇寒士不惟不責修脯而且分俸以  
給膏火如吳化盧堯臣周家棟皆其造就而成名  
聞者黃人請祀名宦至今俎豆不衰公之子孫數傳  
而書香嗣武其食積學愛士之報者蓋彰彰也

陳任重字士弘號仁齋性伉直不阿仕登封學訓自  
署其齋曰立心以忠信爲本教人以孝弟爲先庠  
生所贊一切不納貧生見先生之歸泣不忍別當  
道特旌其澄襟高致歸二十年不入城市宰公屢

請賓飲致一見不可得二十卒不入泚市幸公風  
胡濂號鳳泉履繩蹈矩志潔行芳皓首窮經杜門訓  
子迨其子獲雋峻辭兩榜坊金中道失偶終身不  
娶可謂今之善士以子士奇貴勅封河南道御史  
卒年八十四推祀鄉賢愛士之辭甚恭  
胡士奇號浮冶少貧授經蕭寺日僅再飯從遊者偵  
其實備午餐奉之公曰吾豈不足於餐者麾却之  
中丙午鄉試丙辰成進士初授山東萊蕪縣令陟  
河南道監察御史巡按宣大時逆熿魏忠賢慘戮

諫臣公抗疏劾之雖博浪槌虛而秦鏡禹圖魑魍  
膽碎矣疏載藝文志中舊長邑秋糧裝載至淮交  
兌留難百端公請於上命漕艘至縣兌焉至今稱  
便補穴趙之

王景雲字漢翹母陶孺人臨薨時夢漢壽亭侯授以  
物而公呱呱泣故命名取侯字中丁卯鄉試丁丑進  
士初授浙江西安縣部甫上名卽抗疏言民疾苦  
比至治聲旬震遷湖廣常德府司理是時武陵及  
楚榮王皆貴驕閭民其蒼頭盧兒挾勢炙手不可

問公獨持平抵三家奴于法不爲撓辰沅道楚者  
率滇黔珍貨嘗舊有關公一麾却之時以爲破柱  
懸魚公兼有之云

徐文煥字堯文以明經授湖廣荊州府別駕崇禎初  
在任擐甲勒王功著江漢時有白蓮餘黨未靖公  
力掃穴殲之巡察鹽艇會有匿屍者公發伏如神  
爲趙栢等十餘人立洗覆盆及歸林讓產存孤還  
金焚券助喪施藥懿行未可殫述邑人士交請于  
上崇祀鄉賢所著有參同一書可爲程朱羽翼

徐文炯字中自由明經授山西沁水縣令甫蒞任卽  
革新官謁見銀一千兩沁苦輪役現年歲破數百  
家公設爲重脩法而歲役頓甦沁河淤瀉不常例  
有河括銀若干又機戶苦黃絲銀不貲俱請于上  
悉爲裁革徃官地租稅頗重查得地少租多及貧  
生占業者皆輕之其大者沁地阻僻而歲賦馬價  
盈千餘金公憫其困力請減八百金又沁與高陵  
等四縣派役鉛礮銀千兩多寡不均公爲之勸邑  
力爭役始平焉邑素好訟南街三里皆代書兩造

者占籍自公勸諭多方而比戶及遂堪羅雀日惟  
與名流彈碁賦詩自題一枰軒云拈將歸計枰中  
過贏得閒心着外寬去沁目持香卧轍者擁道輓  
不得前及歸林方正典則有先民遺風其子弟皆  
醇謹力學署堂聯云世間有幾許名門皆因積德  
天下第一等好事還是讀書亦可以知其概矣

平景佺字佺王弱冠卽有聲桃林後胞兄漢翹成進  
士公益勵志以舌耕資膏火試輒前旌數奇終明  
經不仕誅菖湖曲讀書樂道如邵窩焉

潘國相字蓋廷少時勤學好問加意八法善行書小  
楷旁及琴道星相醫卜無不兼通由吏員筮仕中  
牟縣少尹時流寇猖獗牟令以老疾不視事一切  
軍資城守皆倚公公請于上造雉堞易土爲磚三  
閱月工訖撫軍佺公帥鐵騎五千追寇猝至城軍  
不暇立竈日方辰爲公索朝食公卽命數十百人  
持具借滿城晨餐呼吸間士馬飽騰其捷于應變  
如此崇禎壬午陞滇南叅軍拂袖歸牟邑孝廉張  
林宗與公投分爲莫逆交贈以詩詩載藝文志中



公歸後杜門掃軌惟以課子爲事世晉成進士世  
萃授運判世乾世豫世恒皆子衿僑胥諸孫列上  
下庠者悉有蚤譽人以爲公陰德所致云

崇正學字佩一由貢監考定州判時武舉陳啓新奏  
疏稱旨擢省垣公抗疏覈新降選平陽縣主簿值  
海寇猖獗手建嶼城二座復單舟諭寇寇衆悉降  
朝廷序其勞勅浙撫賜宴賜盃踰月以引疾歸晚  
年著述益富子肇元有聲諸生間爲曠中丞記室  
時人比之徐天池云

戴纓字滄浪中萬曆癸卯科鄉試于書無所不讀下  
帷攻苦每飯後喜倚柱閒吟柱礎踏深數寸性至  
孝昕夕間視終父母之身不少懈江西章太友陳  
大士中州張林宗爭投縞紵讀其詩古文詞皆服  
膺延譽所著文集詩稿因流寇亂燼於兵燹惜哉  
陳一新字又新闢湖南堂與王漢翹鍾貴比并集里  
中佳子弟讀書其中公皆贍給之一時聯第者三  
人讀書沉靜一目數行下爲文思若湧泉刻有湖  
南草行於世居鄉爲人排難解紛息爭勸善見有

推牛屠狗者皆給其資本教以徒業至今稱為有道仁人焉

鍾元玉字貴比為諸生即操嚴一介與陳又新王漢翹讀書湖南別業攻苦至嘔血猶不輟中崇禎丙子科鄉試清操益勵戚里有持暮夜金求直者輒叱去丁丑上春官不第尋病卒闔邑為之惋惜

皇清 徐世忠字錫培天姿豪爽有古孟嘗魯連之風第度器其才辟司塘務秩滿例得叅戎詳不就更例考授知縣然士元非百里才亦安量其所至

皇清

潘世晉字進也一字鶴二少有至性人稱童孝居父喪哀毀泣血寢苦塊者三年服除婚娶最晚時父歿早孤一姊未嫁二弟未成立公孝友備至婚嫁成禮口授兩弟遺經歲壬辰公貢入北雍讀書龍泉寺冬不爐考授中秘扈

駕南海子內直

召對皆稱

旨雖從行在机務旁午恒手一編直廬拈題久之成帙

今所鐫乙未聯捷稿是也成進士後由中秘轉國博時遊其門者比之爲陽城安定庚子奉使兩浙過鳳宿之閔子鎮見飢民枕藉解行橐賑之請于州守發粟粟艱于轉運立解襍被爲輸粟費存活千餘人次年復

命經過其地其民扶老攜幼遮道歡呼至今尸祝焉公了無德色亦不語人擢吏部郎甲辰分校會闈得士最盛先是考功處分則例不一內外重足而立公以司封郎

特委更定公詳參往例斟酌時宜刪除煩苛統爲畫一刊刻成書頒行海內嗣是吏掛彈章者知有一定處分外而督撫內而部院俱不得深文輕重朝野安焉守嚴四知接引後學

國家大政政府冢宰咸倚賴之寓書訓子恒以親老遠離爲念其文章德業未可量云

崇正學字佩一由貢監考定州判時武舉陳啓新奏疏稱旨擢省垣公抗疏覈新降選平陽縣主簿值海寇猖獗手建嶼城二座復單舟論寇寇衆悉降

朝廷序其勞勅浙撫賜宴賜盃踰月以引疾歸晚  
年著述益富子肇元有聲諸生間為曠中丞記室  
時人比之徐天池云

袁元字帝青藹然天性得仁氣居多父六息為明經  
授經江淮間名士多出其門公讀父書雖至房帷  
溷廁皆不釋卷以故兩榜掇高科性恬退仕靖江  
學博十年康熙十一年陟河間縣尹其秉心慈  
惠卜其能為召杜也

曹文楷行已恭謹不諂不瀆修橋路設

義漿賑饑  
邑人德之

曹開先字君宗孝友天植喜讀書由貢教習鑲紅旗  
考授通判改山西平陽府經歷不著賢聲攝鄉寧  
縣事蒞任卽上苦累難支十六事諸款皆令例得  
染指者悉請革之上司聞其賢再委攝萬泉篆泉  
火耗積重公首革之頗膺薦剡陟廣東和平縣知  
縣到卽裁去供應不敢以薪水煩民公餘卽聚諸  
生討論文藝粵東風氣為之日上所著有或存集  
京遊草萬邑閒吟等集皆刻布

馬鳴泰字履寅性至孝父中年失偶不再配泰常與

之同被寢讀書有蚤齋爲章大力先生所推重膺  
崇禎八年拔貢其祖馬中孚先年景泰癸酉亦由  
拔貢中式明代兩行曠典而公家先後應之後同  
拔有官至兩衙門者公以未得一第似先人遂不  
願仕杜門課子病將易簀猶訓誡如平昔其子繪  
乾亦膺選拔文名有睂山父子之目著有易經辨  
疑會木授梓

趙宗卿字宗卿性穎悟博極群書無一卷不數次丹  
黃者工詩賦著有自媚齋集

曹文木字孟昭謙厚端方下帷苦志試輒前茅受業  
于豫章章大力金壇蔣楚珍皆決其必售數奇領  
康熙壬寅恩薦閉戶教子禮法森肅有萬石君之  
風歲凶曾蒸米以活饑者又於輪蹄輻輳之衢時  
設義漿以供行人冬夏不輟公誕時值王橋行猶  
示寂呼沙彌曰吾往生邑東門曹第矣越日當來  
視我昔東坡前身爲陝右瞿曇乃信文人自有因  
也

陳賡泰字龍長以拔貢初授湖廣襄陽府推官時在

西大軍十數萬過襄委搭漢江浮橋相去十餘里  
三晝夜告成軍得渡紀功卓異

欽賜蟒袍金帶凡刑名立決案無留牘解網雪冤糾貪  
鉏蠹襄人德之陞德安府同知委運餉豆三十萬  
于荊州解餉米五十萬于沅州奔馳南北不入本  
衙者三載紀錄在部擢陞陝西平涼府知府  
韓與進字卜求號媿菴為人淡泊寡營孝友慈愛與人交規過勸善有古人遺風讀書負大志甲午  
特恩選拔不仕杜門訓子嘗曰肄舉業者當以德行為

第一文藝次之苟二者兼優不得之于身必得之  
于其子壬子科次子竹高列賢書人皆以為華公  
若固有之謂丈夫當為天下立不朽事業豈可屑  
屑于一方爭名未几次子癸丑聯捷授翰林院庶  
吉士人服其讀書有法訓子有方可為後學楷模  
韓竹字一韓號飛雲與進之子也先世浙江餘姚人  
狀元汝化公之後年弱冠子丑科聯捷殿試

賜二甲進士復邀

皇恩取殿試卷進宮細閱備諸進士陛見特

恩宣至殿上親報籍貫細詢年歲士皆良紳

甲申辭理通達

欽授翰林院庶吉士始生之辰厥母徐氏夢聯竹當窗  
因以命名爲人天性孝友氣度溫然如玉少穎異  
爲兒時嬉遊隨指一物命之作破語輒驚人稍長  
以父爲師以兄爲友無書不讀而用功井井有條  
甫應童子試卽邀吾邑江侯賞識入道試遂冠軍  
以後諸上臺觀風頭頭第一文章膾炙人口其潛  
修自愛雖鄰舍少有識其面者嘗自置日課錄一

冊如時憲曆狀宵旦計之祇餘殘漏數刻爲宴息  
地他如歸省會客時刻暫誤者必補之非然則書  
虛日聯捷後飲食動靜不異平時識者知其器度  
汪洋仕途正未可量

康熙六年六月十一日貢生韓與進家午未時大雨  
後霹靂一聲有驪珠從空墜堂前布棚上放五色  
光滾走無定照曜滿堂赤紅閃爍如朝日初出少  
刻見空中有紫氣一道直下引珠從容而上越五  
歲厥子竹聯捷進士選翰林院庶常

康熙十一年六月初五日三更時分有蒙師李如龍  
啓戶出恭見貢生韓與進家大門有火光閃灼定  
睛視之見魁星立于當門次日其子竹卽赴府應  
科試已而鄉會聯捷 特簡翰林院庶吉士  
石應瑞字兆生居家孝友與人直諒少貧困授經以  
給父母晨昏外餘貲卽買書伏讀中崇禎己卯副  
車例得拔貢不願仕置一廬雲水間喬木千章長  
湖萬頃公讀書課子逍遙樂志時比之爲仲長統  
云

宗成已字仁也邑庠生爲人謙謹好施崇禎庚辰歲  
饑公出數萬緡賑之存活甚衆嘗自言予願護三  
教法乃解橐助修聖宮次建毘尼林躬玉皇閣費  
近數千金坐是家遂匱仍助喪施棺飯僧道放禽  
魚不輟有田一區傍湖干適赤旱湖竭公塘瀦水  
尚沒肩遠近汲取者悉不禁佃請曰君行義如吾  
農八口何公曰稿吾苗與戕人畜命孰急乃推已  
食贍農其平生損已益人類如此



戴堯臣字盡卿號謙齋初爲邑博士弟子員且食廩  
爲人魁岸不凡竟棄去讀孫吳家言聯舉鄉試第  
一中嘉靖丁未會試第七授泗州衛鎮撫公旣博  
洽能文而姿又瑰異騎射絕倫有穿楊之譽諸院  
道無不奇之以所屬衛司官評下檄屬焉衛之長  
帥人人側目公亦不思近泗志載公多嘆語以此  
倭寇淮揚奉檄同宿州沈總戎思學爲防禦公曾  
手刃數級以獻將錄功因母老決志告歸沈竟至  
掛印得封拜李廣數奇信然爲諸生時與邑南七

里寺顧僧善僧雖釋子曾遇全真子寺得其術兩  
爲知音過訪輒夜歸有邑人王姓者晚行葦湖中  
群崇椰榆之值公歸踉蹌驚避去竊指云戴武舉  
來也後竟以武科起功名自豫定哉卒年七十餘  
平生雄偉鮮伏枕卒之日與客相奕局中坐逝射  
之技妙天下亦自苦攻中來淮以南以此道名者  
皆及門於公者也邑人張篁亭諸名公爲詩社友  
人梓其詩云懶慣尋常不出城出城無過只投僧  
可以想見公之襟度矣

任俠王智名家子居邑橋灣本衛戶帥李以小忿爲  
 豪軍誣訐而賄又能通李伏法當削不能直顧其  
 子曰訟事無天往訴王公智聞之髮上指礪刃而  
 誓曰不直此寃不與彼仇共天日卽賣產趨闕下  
 擊登聞鼓訴焉旨下一時司理不公者去七人取  
 豪軍正其法李世爵如故人無不壯之智死李父  
 子泣奔其喪設主世世祀之不絕

蓋孝義志

壽昌故里化行自近靡然嚮風家敦彛行

任恤嗷嫻亦昭義聞竹素載馨芳匪無盡

作孝義志

宋

朱壽昌字康叔秦欄里人父守雍時出其母劉氏壽

昌方七歲母子不相知者五十年四方求之不置

罕御酒肉言輒流涕熙寧初棄官入秦與家人訣

誓不見母不還遂得之於同州其母嫁黨氏生數

子是時年七十餘昌悉迎以歸雍守錢明逸以事  
一聞詔還就官王安石蘇頌蘇軾以下士大夫爭爲  
詩美之後母卒居喪幾喪明旣塋有白鳥集墓上  
明

胡生宅里名字俱未詳吳志載生爲人至孝勇於行  
義拯貧恤孤無所愛尤謹奉呂祖像極其嚴潔積  
久芝生庭一本九莖人以爲異

舊志王心曰按本縣孝行宋有朱康叔明有胡生  
蓋康叔以事異顯胡生以家貧顯其安常循理承  
顏順志足爲孝子者多矣今皆泯沒而近有唐生  
堯智者年十二母病割股夫割股不得爲孝韓昌  
黎嘗論其非而明朝法令亦不許旌表惡其傷生  
近名而無益也但唐生年幼無所爲而爲其情有  
足取者謹錄之以俟其後若夫母亡之後割股爲  
祭曰盡吾心也甚至妻病而亦割股戕其父母之  
遺體者其傷教壞俗可勝言哉

王大像性茹素父宏浮葬廬墓三年時歸省母不間  
私室其婦趙氏共母蘇氏臥起母病痢像爲嘗之

萬曆十三年曹侯孔榮聞之院道旌以篤孝

王枝父喪母以年飢質枝與徽賈枝念母哀劉太學送歸知母亾結廬墓頂環泣不寢不言署公周旌唐堯智年十二刲股時母疾劇偶聞異香爇以進之尋愈按院旌學院旌准補廩例未遇缺後考補貢初仕鐸豐城九江二學文章理學宗匠一時自九江陞湖廣上津縣知縣時巡方委鄖道察鄖陽七邑奸宄道以舊怨委智僅得奸宄十餘人而株連者百因曰我不忍以百命博一官焚案以辭遂忤

上臺調王府長史辭不就居林下布衣草履惟以著書勸學爲事其孫唐士俊母病俊刲股以進母隨愈刲處並不痛楚了無痕跡

王和刲股愈母病張侯世良旌

張嘉彥刲肝愈母病李侯自蕃旌之曰世云刲肝人替疑之若彥余親驗之矣母活身亦無恙非孝心

感格致然耶

許純忠年十四刲股愈母病李侯以幼孝旌

馬應台年十三母鄭氏久病不起遂於密室中剖腹

割肝作羹以進其兄應星初不知也亦到股求愈  
母疾學臺旌其一門雙孝

石梯年十四父貢生石尚纂病劇到股以進父院道  
旌之曰童孝

繆悅道年十四田間兒也母姜氏病劇以紙刀割脇  
下出寸肝與母生啖之有教之者曰子誤矣須煮  
羹道尋再割乃羹而進焉母始愈學臺陳准旌獎  
歲給布米

王應舉一櫛工耳事母孝母病到股以奉母縣公李

### 旌之

許三選素稱醇至到股愈父病又惡人知也里中聞  
之欲聞其孝語其兄庠生遷云以家庭不得已之  
至情而可聞於人耶言之面赤兄遷處遠館待母  
如其兄之在左右

右前志所書止此或曰割股非孝不必續書張振  
先曰往志有其舉之莫或廢也且不續將無以教  
孝夫爲人子人婦者當親病瀕危百藥不效之際  
計出於無復之而情迫於不容已奏刀之時不惜

肢體以與回生於萬一此念蓋可原也春秋於惡則誅意於善獨不宜原情乎苟世之爲子臣者抱此真情而能充不惜肢體之一念天下何患無忠臣孝子哉故特踵而書之

皇清

董官治邑庠生三封股愈父母病治工詩文詩見藝文誌中

潘其綦潘其茂母病同日封股不謀而合進羹母聞其香卽愈

李行恭邑庠生李應龍子母病密禱於隍廟封股入藥母服之立愈邑侯江旌之曰誠足維風

李鸞瑞母病嘗糞封股母隨愈後十年又病瑞再封右股療之邑侯旌至孝格天

劉鼎盛封股療父疽疽愈猶病眩盛虔禱呂祖祖降黃丸曰知爾孝吾有丹砂一粒在圓殼內剖圓盡果得丹父服之立起喉舌間作三日香邑侯江旌曰

純孝格天

張弘業母病業年十三至廟禱神封股取香灰掩痛

處肉隨失業奏刀復割股肉自空而墜蓋神欲試其誠也煮進母即霍然 邑侯旌之及弘業病其子庠生瑚亦割股救焉

葉英邑庠生割股愈母母張氏生英週歲夫亾甘貧

守節 督學藍旌母節子孝

陳養廉割股救繼母 漕院蔡 按院劉花紅獎賞

陳其弼陳其蘊女陳氏俱割股救親江侯旌孝思一

門

王自明割股救繼母

顧八個割股救父

張士鉅割股救父

胡時達年十四割股救母

張儀割股救母茹素不娶誓奉母終身作方外遊

王禪割股救繼母

繆自守年十二割股救父 按院 旌童子壽親

孝婦

王氏田栢妻孀姑周氏久病王割腹中肝為羹姑愈

王氏庠生劉廷璽妻為庠生王增女翁炳亦庠生老

中風疾臥久王以匙筋進食者經九載不怠後翁  
艱于食更下乳蒸之跪拜而後進一時聞者無不  
稱嘆

丁氏張振聲妻割股愈姑邑侯文旌孝行可風

黃氏庠生胡天叙妻性篤孝翁病劇氏祝天割股

鍾氏陳其仁妻葉氏吳榜望妻

陶氏劉啓盛妻皆割股活姑者

孝女

李氏女儒生李增吉之女也年十四祖母崇病劇女

割股作羹進之尋愈縣公李申呈道府旌其至孝

吳卯女監生吳三遷長女也年十二歲于萬曆四十

三年割股救母未幾母死女亦不食而死孺慕性

生此女孝之傑出者田侯旌獎准入志

陶孝女名文淑刑部主事金曾孫邑庠弘受女也其

母張氏南侍御昊之後父母皆貴裔孝女獨儒素

解字畫孝固其天性也天啓七年母病孝女左右

奉就養病漸劇醫藥罔効計無復之遂割股肉以進

母立啜而痊又餘年始卒高其誼者公鳴之于條



雲任候侯旌其門曰割股孝親  
岑女名端岑大順之女也年十四歲天性純孝崇禎元年母王氏疾篤藥餌無靈危在旦夕女悲哀無計遂割股作羹母食之初不知何物極稱甘美罷筯而覺有起色後霍然更生邑人舉於晉任侯旌其廬曰孝女

潘淑女邑庠潘其英女年十七割股愈母

石女貢士石應瑞女年十七父病危割股以進卒不救遂號泣隕身邑侯江表其墓曰孝女之墓

義僕

張威僉事張昊之家人一名書童昊征姚元洞蠻威從行軍潰爲賊所執昊曰我死國宜爾亟歸善視其家威曰主不歸見何之賊亦昊威力拒之曰寧殺我賊怒遂支解張氏時祀亦并祀

王心氏曰張威張氏之奴爾初不讀書知禮義其主遇難而以身扞之命之去不去卒死世有平日講學明理小臨利害輒背父母叛君上而不顧者視威何如耶張氏祀僉憲公而必及威亦稱恩義

之報哉。或謂其死而必死，其亦無足道。王毛勝，王駕部心之僕也。邑人姓毛氏，後蓄於駕部。因名。性極沉靜，且慧。駕部心賢之。駕部與人談詩，輒解。詩與人談禪，輒解。禪。駕部高簡，謝客無與語。輒就勝語，真定之役，勝從行，已病，屺血治，弗愈。乃作詩別駕部曰：兩歲恒陽望，其還誰知。枯骨對青山，五羈采仗歸仙府。回首呼童一見難，遂歿於郡。署駕部哭之，哀葬於郡天寧寺之側，特爲立石，自銘其墓。時嘉靖辛亥夏四月也。

舊志曰：隆萬間，嶺南歐楨伯大任爲江都學訓，有記室李英者，工筆札，其詩送鄉友南還云：琴尊羨爾能雲卧，書劍憐予尚陸沉。王元美諸公因其主亦與之酬答，而其名遂著於世。品固不以類哉。

胡世富，參軍崇應第之僕也。第少赴府試，至查家渡，遇盜欲害之。僕見主被執，給之曰：金在吾橐，勿迫吾主。因舍第執僕，第得逃。賊索金不得，遂遇害。參軍卒免于難。

王秋邑，庠王應芬僕也。芬豪宕不群，言論丰采傾動。

王當世一時名卿鉅公爭相結納偶遨遊粵嶠歸召  
 二豎幾殆刀圭百試不效秋籲天剖股羹進主卽  
 霍然昔介之推割肉以啖重耳國史嘉之以彼讀  
 書明理故忠義激發宜也是僕何知而好義若此  
 特書之以爲戴王者勸

烈女志

附烈婦

松筠白秉霜雪爲期守孤從死各遂攸宜

對其烈哉巾幗白刃不移輜軒必采彤管寧遺

樹之風作烈女志

一女子謂之未嫁曰嗚呼

鍾外女鍾淳之女也年十六許聘繆一元一元惡疾

不起外女哭泣不已父母解之曰何至是當擇良

家配汝外女垂首不應母強問其故曰雞乎犬乎

我人也許之而已一日取繆氏聘物焚之遂縊而

死其父母歸其屍于繆氏與一元合葬從其志也

○胡氏女許某者某病死胡氏女亦縊而死未數月間  
蓋聞外女之風而興焉者參凡無此焚之救澤而  
王心氏曰詩有之民之秉彝好是懿德鍾之家寒  
薄外女素不聞詩書之訓乃克卓爾自樹有丈夫  
所不及者豈非所稟粹然者與書有之旌別淑慝  
樹之風聲外女以一女子倡之未數月卽有胡氏  
接其踵則風聲之樹豈容已哉采米泚管寧

○周氏女年十七父故屠狗女許潘明未適萬曆九年  
二月明歿女願奔喪不果志在必殉伺母炊自縊  
而死

○阮貞女阮長卿之女也六齡許字王璠之子道昇皆  
同庚昇年十五緣苦讀召二豎踰年疾弗起女偵  
其實卽預料素衣藏笥中舉平時倩粧華飾付之  
火訃至女卽縞衣端坐厥父母見之慟且駭曰兒  
髮僅及肩何至是女長跪請奔喪一時遠近內外  
聞者咸來慰止之誓絕粒不作未亾人父母知其  
不可奪許遂厥志女喜沐浴拜別攜一婢一婦縞  
素往焉比入門先謁舅姑拜畢次謁柩泣無聲收

天長縣志 卷之三  
淚曰三年之喪以入門始吾分以媳終養無還理  
矣無何姑費氏傷感成疾女昕夕侍床不少懈及  
隕女曰旣失所天又失所恃遂告歸寧歸一載舅  
續娶繼姑林氏女欣然曰吾有恃矣復至遂不返  
後林亦病事如初姑女自十五入主門卒年四十  
有八其間三十三年茹素服疏跡不踰堂笑未見  
齒曾有諸姑歸省林命其姑之穉女與阮同衾甫  
一宿再命之穉女却曰宵來衾寒甚詳詢之始知  
阮終其身未嘗解帶云

○蔡貞女幼字譚澹長長疾篤勢不起迎之歸曰吾兒  
錄中人不忍復黜若身若以兄事我吾易簪吾  
目瞑矣蔡曰唯唯於是毅然弛妝侍湯藥夙夜單  
心三越月衣不解帶猶然處子也一日歸寧輒告  
還語其兄嫂曰謹事吾二人吾此行猶得相見幸  
也不幸不旋踵矣還事長加瘁又三越月長卒蔡  
哭之哀曰少俟妾家人知其意環伺之蔡佯爲輟  
哭伺少懈輒自經死其所投之環則夫之繫腰紐  
也其就殮之衣若履皆于夫之彌留時所預製者

也死之日遣婢歸寧持一戒指一故履還嗚呼弱

齡閨婉竟得聖賢啓手啓足之意雖古其美禮修

何以加焉

瞿氏許字董君兆未嫁崇禎十年流賊猝至家人皆

竄去烈女自度不能免遂刎于室

胡賢女邑庠胡鼎葵之女也年十九許字李準準不

才蕩業乃以賢償逋者賢曰女豈事二夫遂自經

死

烈婦

胡氏爲王蔡兒婦蔡灌園城北兒亾胡年三十餘其

姑欲嫁之不從乃自沉於河得拯遂歸母家異日

姑爲季娶婦召還謂姑曰今日娶姒有夫服幸與

我食且暫避之尚有亾夫冥座在房因闔戶陳食

於前取平時所製紙髻紙櫛之器易服經死蓋婦

爲死計非一日矣而卒死于夫位之旁得死所哉

楊氏邑楊村人爲袁氏婦年甫十六有媚秀之色其

夫家甚窘而袁又遊蕩不治生產奩中荆布一空

仍欲攜出儀揚間以賣笑楊絕不從袁亦無變志

便督責之自縊于門之後萬曆三十五年二月十日也嗟乎芳年不惜其容而一死以明潔何烈哉聞其母亦勤勞賢明婦人也處貧而貞是宜有是女也

徐氏王漢妻家甚貧難一日漢出徐于野挑菜豪強葛爽欲私之強裂其裾徐泣曰何辱而至此乎遂縊死爽亦暴殞

周氏張德妻年二十三德止一女在襁褓矢志養姑姑有疾刲股作糜結食而甘之遂瘳有豪隣與族謀逼周因斷髮自刎得完其節楊侯州鶴注其事旌曰節孝雙奇見余太史繼登傳

林氏胡錦妻錦亾年甫二十撫孤胡詔績紡度日隣人張禮謀強娶林剪髮投井楊侯州鶴旌之

陳氏邑龍岡人萬岷之妻岷亾遺孤四齡岷日以縫皮爲生岷則愈窘陳常枵腹以育其子其子偶溺于水悲泣無已遂縊死兒在猶夫在兒不在卽死一縫皮婦而能明大義宜昌樂田侯准入其志也

張氏苗百壽妻張僉憲之族重孫女也崇禎十年流

寇薄城氏奉母逃難適與寇值寇見氏年少多姿  
 遂執之母稽首乞哀甫至地已膏賊刃矣旋牽氏  
 手欲汚之氏大罵曰賊奴辱吾手速斷吾臂寇怒  
 斲磔其軀罵不止復截其舌氏乃死時溽暑家犬  
 為守其屍野犬入則格鬪逐之戶外寇退家人收  
 葬膚體猶香

節婦

漢

陳嬰母東陽少年欲立嬰為王母曰自我為汝家婦

未聞先世有貴者今暴得大名不祥嬰乃止

後齊

齊宣帝陳皇后魏司徒矯之後嫁於宣帝多所內佐  
 生高帝高帝令建康時后殂於縣舍昇明二年追  
 贈竟陵國太夫人建元元年追尊為孝皇后

宋

戴氏朱某之妻南豐曾鞏為之誌銘

見藝文志

沈氏朱延之妻南豐為之誌銘

見藝文志

明東對夫人



馬氏陳俊夫人也福建莆田陳公珪以舉人爲天長訓飲於馬茂才家偶見女謂法當貴爲其子俊求婚焉後俊官大司馬誥封夫人

從其藝文志

袁氏六合鄭瓘之妻名媻字惠藻高士袁湛女也自幼知教紡績之餘愛攻書史年十八時許瓘未幾瓘染奇疾久之醫禱弗治瓘家居媻氏商之瓘曰吾疾料不治毋以誤人女媻氏卽聞之哀哀泣然泣且食不下咽者數日謂其母曰舅姑之心夫婿之心我固知之特我之心而人未知之耶誓以死

從六合令四明史公思古聞之歎曰賢哉是女也卽令瓘家致書幣擇日成合卺禮袁歸瓘事姑甚孝瓘在床褥者二年事之尤謹瓘歿家人知其有死志防之嚴陰服砒霜幾死解而得甦泣曰聞古者婦人夫亾不死自稱未亾人者以奉舅姑鞠子故也今我一寡婦耳不死何爲宗長老聞其言哀之謂爲有禮遂以夫况之子鏐俾鞠之爲夫後岑氏鄭鑑母也年二十生鑑而夫亾氏遂持節以鞠子養姑爲事人有諷其再適者輒羞赧逃去踰

八十終故...人...其再...  
侍氏張德之妻德補邑庠弟子員侍克有婦道常躬  
薪水以奉舅姑夜事績紡以相夫子年二十七失  
所天輒屏去華飾清苦勵志貞白終身冢嗣婦顏  
氏亦蚤寡率乃攸行時稱雙節云以奉舅姑...  
張氏高祥妻也漢陽推官瑛之冢婦夫...時三十有  
九子淮甫六歲縞素蓬垢以未...人自待終養其  
姑撫育孤子清白之節沒齒無間言壽七十...  
鄭氏陳煒妻鄭友女弘治二年適煒五年煒病故生  
一子甫歲餘舅陳聰任獲鹿縣主簿復歿于官而  
陳之族屬單弱節婦甘貧撫孤勵志守節見年八  
十歲陳氏宗祀賴以不絕節婦實有力焉

周氏鄭鎧之妻生子鯤五歲鰲二歲年二十五鎧...  
矢志弗他適嘉靖二十四年卒壽八十三...  
趙氏庠生蔣鉞妻也年二十六鉞喪子蕃方七歲家  
貧力績紡以養寡姑郭氏姑壽八十七趙已六十  
有七矣

王心氏曰明興百八十年教化隆洽貞女節婦常

不止此其子孫孤微而姓名不聞于有司者多矣

錄其可知者而已君子論人蓋棺事乃定三十內

守志五十外許旌表亦著於甲令蓋慎之也六十

胡氏庠生陳濟之妻

譚氏監生陳洵之妻濟洵俱蚤亾二氏同居守志共

撫一子曰棟按臺旌其門曰雙節

鍾氏張大紀之妻

石氏王錫之妻

岳氏趙經之妻

鍾氏譚鎧之妻

張氏陳津之妻

張氏吳從德之妻

徐氏儒士蘇夔之妻

王氏鍾恕之妻

陶氏吳從哲之妻

李氏張崑之妻俱茂年守志待時甄錄者也

貢氏陳坤妻年十九坤亾遺腹子學誦撫之補邑庠

生詩早亾其婦胡氏同志撫孫按臺學臺題請建

坊以旌

徐氏陳大功妻年二十四大功亡遺二子家故貧艱辛歷盡督其子忠言爲庠廩生閩李侯繼華憐其子才特賢其母申呈院道旌之又自爲文贈焉萬曆丁未年直指黃公請於朝欽命建坊年八十餘卒以徐之節之年之貧而猶及恩榮人爲之幸而余深爲天下苦節者悲也

常氏庠生陳從周妻周亡無嗣年甫十六刻勵貞操閉處一樓不下卽家人絕無見者今六十餘萬曆戊午年直指唐公上之朝欽爲坊表常乃泗州大叅魯軒先生女內則有自其夫况子生員迪明亦善事之爲人所稱云

金氏庠生胡珠妻珠亡年二十二誓以死殉奈有遺腹媿後人給以女金捶胸死稍甦自手之男也賴與爲生年近九十而子姓計若干人皆金一綫之遺也萬曆初按臺賈公大奇特旌表焉

李氏邑銅城鎮人爲張夢暘妻夢暘因父嫌其不肖惡死李甫年十八無子且貧遂守節從來未嘗有

男子相授受七十餘卒卽泗州顯忠公之族女也  
李氏庠生戴惺繼室無子守節撫惺前妻子以居此  
尤人所難者

崇氏王命妻夫亾年二十二撫育其子歷四十餘年  
院道旌獎祝令公似華有詩

戴氏胡環妻以茂年守節

曹氏儒生胡士選妻以茂年撫孤守志見年五十餘  
俟旌

張氏庠生許學易之妻年二十五學易亾家貧苦志

紡績奉姑育子年七十餘卒曾旌獎

丘氏貢登之妻年十七登亾有遺腹子撫育艱辛人  
不能堪垂老如一日允宜旌典

陶氏王蘊之妻年二十六蘊亾無嗣卽將遺產盡與

夫之弟之姪自甘苦志時爲女所養言及更適嚙  
磁滿口泣與血淋漓襟服人人色動此其識其操  
非筐篋簪悅之流也年八十餘署公周特爲扁旌

王氏張天駟妻年二十七夫亾無子艱苦撫其女年  
八十五卒

○張氏庠生鍾夢斗妻年二十斗亡遺孤歷艱苦撫之年已六十法宜旌表張爲僉憲公孫女無其六

○陳氏顏自樂妻年二十二夫亡力貧撫孤人稱苦節舊志曰節孝兩事固有其至實爲人道之大婦不節子不孝何以爲人而必責以聖賢之學里巷之庸愚可使之知乎以里巷庸愚而能爲節孝事是亦聖人之徒也莊子云惟蟲能天蟲蠢也亦正求之里巷而已矣

○周氏湖廣寧鄉縣縣丞陳所聞之繼室也聞仕楚治聲寇湘漢歸林尋卒氏撫遺孤晝夜尤熊寬嚴有法孀節四十年臨川章大力爲作陳母德言以誌不朽載藝文志中子懋仁有聲黌序間首倡議革現年邑之里甲無不尸而祝焉

○錢氏胡遵範妻年未二旬撫遺腹子辟纁爲生氏病子胡殿臣割股活孀上臺旌母節子孝年十六同吉氏吳國蓋妻適蓋二載夫亡子甫六月苦節終身邑侯周旌節勵米霜

○王氏河南洛陽府通判黃有儀妻年二十五歲苦志

守貞屢經旌獎

湯氏邑庠胡一緯妻緯早亡遺子週歲守節終身

張氏王應舜妻年二十一歲夫卒撫孤王尚勲勲娶

胡氏生子王延年及儔尚勲又卒胡氏年十九同

姑守節邑侯李旌一門雙節

徐氏王治世之妻夫早卒氏剜肉調藥以療姑針黹

易粟以教子茹荼堅志五十餘年子鼎補邑庠生

年五十餘猶然孺慕

江氏胡一潤妻潤逝氏年二十二歲通典文親訓

遺孤鼎彝鼎呂皆補邑庠生

蕭氏徐士亮妻子歸四載夫逝無子無家苦節終身

邑侯江旌節壽雙高

徐氏吳曰澄妻澄卒翁欲奪之剪髮自誓營葬三柩

割股孝姑

李氏董尚文妻子歸三月夫卒遺腹生男翁欲嫁之

截髮毀面以死誓翁逐之攜孤止外舍憐瘁骨

立年七十三卒

唐氏董光緒妻年三十夫亡子方三歲撫養成人復

與媳俱歿氏荼苦以育二孫撫兩世之孤邑侯江旌節孝可風卒

趙氏邑庠馮應麟妻夫早逝守節至八十有九

沈氏王朝選妻夫死勞公事氏苦節年登望入邑侯

江旌節壽可風

丘氏杭世英妻英卒氏年二十四歲生子甫十月氏

茹苦守節邑侯胡旌曰燕門重族

徐氏王彙妻彙早喪氏年十八子甫一週苦節四十

餘年

崇氏汪文璉妻璉卒氏年二十有七遺孤九齡飲水

立茹藥年踰七十

劉氏王士美妻夫卒氏年十九遺子世昌方六匝月

殮美之夕氏剪髮投棺矢志不二氏通文墨親訓

其子昌補邑庠母訓之如初守節五十餘年

孟氏邑庠俞鄭妻夫卒貧而無子養翁姑生事塋祭

皆成禮

趙氏胡一溶妻適溶年半溶亡遺子七月廬墓守貞

績紡養姑課子鼎定入學年踰七十邑侯江旌節



壽雙優

朱氏崇應朝妻夫卒苦志撫孤教子大培中崇禎乙

卯武科

皇清康熙九年氏九十歲奉

旨賜絹三疋綿二觔米二石肉二十觔以旌之

徐氏邑庠李行儉妻夫卒氏年十七遺孤復歿苦節

四十餘年

丘氏劉榆妻榆舌耕沂畔庠生多出其門早年夫逝

遺孤數齡儻居半厦產無立錐孀守赤貧年臻隆

王氏李可楫妻適楫一載夫故遺腹一女并無子息

李今已五旬苦節待旌

張氏邑庠生陳和鼎之妻也鼎卒氏年二十九歲撫

孤守節年近六袞無玷米操教子其信其聖皆能

克家

王氏邑庠曹生嘉妻夫幼故氏事孀孤育穉子守節

終身

王氏庠生胡希賢妻年十八夫故生遺腹子復殘疾

王誓死靡他有時日不舉火處之泊如年登八十有

三

管氏光祿寺署丞戴維龍妻于十九歲夫故涕以死

殉年八十歲卒按臺上官旌孀節山凝

許氏陶鑄之妻夫早卒氏無子息甘貧守志年幾六

十苦節待旌

李氏王昇之妻夫逝氏年二十四歲苦節撫孤四十

六年

顏氏張星炳妻夫卒氏二十七歲遺田半畝屋一厦

止一女早亾氏斷髮矢志堅守年至六旬食貧若

素

張時雍妻翁氏年十九寡居矢志守節屢遭家難百

計易其志終不為奪訓子張志仁補邑庠生苦節

至今六十有四

許國祚割股療母節婦劉氏氏即愈邑侯江旌節孝

可風

節婦湯氏邑庠王汝光妻光卒氏年二十有一堅志

四十餘載苦節待旌

四十鎰

三十前

天唱愈

蘇子

六前

流寓志

桑弧蓬矢志在四方名賢棲止何必故鄉

頰濱剡曲蘇戴名香地因人重紀載必詳

作流寓志

漢

樊噲沛人舊志載微時嘗居此以屠狗今樊公店是

所寓云

宋

沈晦本錢塘人徙居崇德宣和中赴試南省道出本

天長縣志 卷之三  
縣夢騎大鵬搏風而上因作大鵬賦紀其事既而  
果魁天下

明

柳原貞字以正別號清約居士中洪武丁卯鄉試受  
會昌教諭擢撫州教授國子學正致仕原貞平居  
簡默冲淡其蒞事教人則敬慎詳密來游縣遂終  
焉年九十有二葬橫山安成吳祭酒節銘其墓  
戴錦字伯綱號網菴四川長壽人舉進士爲戶部主  
事以事與中貴相詰罷官貧不能歸郝侯延至授

諸生學錦行方辭厲足跡未嘗輕至公門錦初姓

盧歸復本姓

吾嘏字景端號求樂浙江開化人教諭吾翁之父嘏  
舉鄉試爲江浦教諭致仕去講學授徒名重一時  
翁迨養居數月歸

盧孝達越中孝廉北上阻雪蘆龍旅店度不及會試  
夜夢鎮井中有龍口啣綠衣之異遂行春果第有  
詩紀其事

姚履素字允初白門人腹笥奧博下筆數千言立就

奇峭無比登辛卯科辛丑成進士為人清操抗節  
 不墜家風仕至嶺南學憲以忤當道意拂袖而歸  
 海內以東山望之孝廉時曾為戴鳳巖延至長邑  
 數載云

數載云

隱逸志

巢屹賴畔光臥嚴灘冶山甕水時結幽繁

生逢景運衛泌是甘筆之史乘非等終南

淵而兼作隱逸志

袁謙字公實號拙菴其先四明昌國人洪武中從徙

京師入衛龍江屯居本縣之汶澗幼穎異於書無

不讀嘗從鄉先生朱時中及太常少卿鄭雍言遊

納交名士聞見日廣襄城伯李公延教諸子正統

初下求賢詔李公以謙經明行修薦之既至論不

合懇辭而歸為人端重未嘗視邪色女媻嫁六合鄭氏為節婦良日

唐宗字士源司訓勵之子也博學工文講業授徒不求仕進一時髦士多出其門

張崙字惟嵩性溫謹篤孝友與人交有始終聘沈氏既而矇遂娶焉勵志苦心學求自得不過而卒

王家相字良臣為人謙退多讀書明孝友之理養靜擇交愛圖畫花石

王瑄居邑上白湖工詩賦一時士夫咸禮重之聞於

直指請見為殊典呼為瑄先生見其後人皆指之

曰此王瑄先生之裔也相傳以為瑄仙乘鶴而去

林嵩號怡菴秦蘭孝子鄉人少孤貧發憤讀書乃厭

科舉之習有志聖賢不求仕進天性孝友居喪屏

去浮屠純用家禮見山老而鰥居嵩恒伴處不入

私室年四十喪婦不再娶有司屢請賓飲不出里

中宋孝子朱壽昌祠田為大侵沒欲售已田以圖

恢復未果臨終整衣端坐賦詩云心亦總無乖疾

嚴事眼前漸少故交親其人可睹矣子為前坐少不

魏慎徽字汝敷號雲石司訓一夔之子爲諸生少不喜言笑雅意修真絕不肯與俗人交亦不樂居塵世年三十三卒豫有自祭文述其生平之志此其人亦足異者

戴端蒙號聖所爲諸生後棄去恣意遊覽歸而著書

數十卷精水道堪輿醫藥集古圖史自娛

王壽平子禹弼生員孫遵道仁縣令

魏沂子一思仕教諭

戴堯弼子纓舉人

以上三人皆屢請賓飲不赴者

舊志曰夫賓飲之禮最爲近古第此時不可爲典

矣其有布衣高行招之而不來者尤爲賢也然其

人亦寥寥故特書之

潘士吉輕財尚義揚州破人掠子女至長吉遇則買

而歸之不取值有二幼女無歸撫之如已女爲擇

配不受聘且資粧焉年七十有二預知死期出了

十凡願一帙屬其子曰吾初願行好事一千件今僅

得七百五十有奇勉爲吾補之如其數則焚此帙

遂聚親朋言笑飲酒無病而卒  
王三汲字禹門性篤孝家貧養二親必竭甘旨親葬  
後茹素絕鹽誦經三年以資冥福曾有鬻米於汲  
者誤遺金汲追與之里人服其孝且義焉  
者民張念善爲人解紛里有爭競者必造其廬請直  
焉

布衣丁志龍秉心慈惠遇饑寒者衣食之暴骨者掩  
覆之

鄉賓張守震邑侯李每癉惡卽置震於座右以示風  
勸且以愧受答者  
馮舉持齋務本修馮公橋建馮家菴江侯旌之曰善  
人也

以上皆淳厚足取者



人也

靈文

靈文大藏道德五千教

古僊釋志

靈文

靈文大藏道德五千教 虽各異理則同源

靈文

靈文大藏道德五千教 虽各異理則同源

靈文大藏道德五千教

僊人墩舊傳古寺基僧徒頗衆後經兵燹廢一僧服

釋丹僊去故名

釋達摩梁普通間建真勝寺注丹井中磬縫融爲一

片突起數千頭瑩滑如琉璃狀墜者不溺其泉水

霖滴瀝作金石聲

霖滴瀝作金石聲 蓋之西東人封天

釋道安并統志載滇之河東人住天長寺精修苦行  
欲建浮圖卽有洪水自點蒼山漂木石而至人以  
爲神後坐化眉間現五色豪光

釋大安山東人住汭澗淨土菴精修苦行自吐三昧  
火闍毗而化

釋唵咀哆持木鐘金口木舌其柄作韋馱杵狀朗誦  
唵咀哆噉囉六字髮盡白面如初生孩聲如洪  
鐘或與之金錢卽撒諸地觀市童攫取則大笑夏  
夜邑人皆聞其聲凌空而過後不知所終

方技志

潑墨作畫觀劍悟書藝通乎道形下匪粗

神樓金匱壽世良苗一長必錄敢言浮奢

作方技志

周信字惟實聰穎有巧思善山水梅竹尤精於琴大  
爲吳下人所重家故貧未嘗屈於富家兒雖陶情  
詩酒亦不失之放浪云

葛錦字章甫善書大字一時人士爭傳之但其人跌  
宕不羈不樂與縉紳處

沈瑰號荆山工草書大字扁額盡出其手兼善琴操  
 沈枚號遂山為諸生工行書有趙吳興之法其人  
 沈東號少陽足跡徧天下時為縉紳延請亦工大書  
 屏障扁額所在重之年幾百猶能運腕人稱一門  
 三沈云

趙世亨字道貞工畫人物少遊金陵名噪一時晚歸  
 里更工山水花卉索畫者戶外屢滿

王流斗字燦垣邑火星廟道士授神術于龍虎山歸  
 能掌上驅雷電天大旱其法用結幡祈禱每禱必

大雨如注邑侯羅萬象稱曰猶龍諸名公贈言成  
 集曾攝入冥司掌判者以其籍示斗註斗五十三  
 歲後果如其言其學徒徐常寧習其術祈雨亦驗  
 唐介字士貞勵之子宗之弟也少學儒棄去學醫讀  
 難經脉訣東垣丹溪諸書有會於心用藥不用俗  
 方晚年深於脉理往往數年前決人生死

張大機字國治珺之曾孫翹之子也珺與翹皆業醫  
 至大機而益著醫以調養元氣為主而緩于攻伐  
 一特薦紳咸重之業醫少艾舉業於其父業於

董宗憲字章夫父然業醫少攻舉業復修其父業持  
脉有會心之妙决人遠近之期一無爽傷寒遵河  
間法而大暢其旨立能活人門無虛且且不自以  
爲德有雅度云

沈桐明醫理能調雜証用藥不惑萬曆癸卯年淮南  
多疫部院移文施藥全活者衆劄授冠帶仍扁其  
門

張振聲字君奕張大機之四代孫也少治舉業不售  
乃徙業精幼科七投輒効晚年尤精方脉

王道行字熙寰工外科

方文炳字虎瞻通曉方脉

趙弘業字英甫治嬰有法

張懋勳字龍光邑庠生工制藝兼精女科

方遵鼎字伯祥業諳岐黃

六獸服字外種業請列黃

乘然燠字種業請列黃

飲馬業字英制官製齊去

古又國字以報嚴制古制

王節字字無表工公保



